



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Immvnditia.

urn:nbn:de:hbz:466:1-30427

Quando autem lex, vel statutū igno-
rantes puniat, vide Panor. in capit. 2.
de constitut. in gloss. fin. Cyn. in l. si
quis non dicam. C. de episcop. & cle-
ricis.

ILLEGITIMI.

ILLEGITIMI filij qui sunt, &
quomodo legitimentur supra, Fi-
lius. §. 11. infra. Legitimus. §. 2. Igno-
rantia promotoris, & promoti illegi-
timi ad ordines, excusat eos. Nam om-
nes illegitimi, mances, spurij, nothi,
prohibentur ordinari. ca. innotuit. de
electio. Filij autem sacerdotum geni-
ti antequam pater ordines sacros sus-
ciperet, possunt promoueri ad ordi-
nes quoscunque & ad dignitates, nisi
in illa ecclesia, in qua patres eorum
fuerunt prelati, vel canonici: secun-
dum Raym. quod intellige adeasdem
dignitates, vel prebendas, quas eor-
um patres tenuerunt. Ad alias au-
tem etiam in eadem ecclesia poterunt
canonicari, & promoueri, etiam vi-
uentibus eorum patribus, & in ead-
em ecclesia in officio suo manenti-
bus. capitul. ad hoc, de filiis presby-
terorum. supra, Beneficium. §. vige-
simoprimum. Quomodo cum eo po-
test dispensare Episcopus. supra, Bene-
ficium. §. 23. vsque ad 14. multa ibi
circa huiusmodi dicuntur.

Si quis post contractum matrimo-
nij ordinetur ad sacros ordines,
uxore inuita, vel ignorante, filij erunt
legitimi: secus autem ipsa consentien-
te, vel sciente, & non reclamante. cap.
seriatim. d. 32. Et ita iuxta distinctio-
nem hanc, opiniones Ray. & Goffr.
quæ videntur contrariæ, possunt con-
cordari. Sil. ibi. §. 4.

IMAGO.

IMAGINEBUS cælestibus, siue pu-
re astronomicis vii, ad effectus quos-
dā subiectos corporibus cælestibus,
omni remota superstitione: vt fumi-
gationum, characterum, & huiusmo-
di, quæ ad cælestis influxus nil faciūt,
non est peccatum. Huiusmodi enim
characteres, fumigationes, &c. ad se-
ceta demonum, quorū societas no-

bis prohibetur, videntur pertinere: se-
cundum Caiet. ibi, in summa.

ZVINGLIUS hereticus, & Felicia-
nus, dicebant sanctorum imagines de-
struendas, nec Christianos eis vii de-
bere: sed dico vsum imaginū appro-
batum fuisse in concilio secundo Ni-
ceno in Cōstantinopolitano sub Hie-
rone, in alijs tribus concilijs Latera-
nesi. sub Gre. 2. & 3. sub Stephano, &
in concilio Francfordiensi. & fuit dāna-
ta hæc hæresis Felicianæ. Nam ima-
gines pinguntur pro idiotis: vt qui li-
teras nesciunt, ibi addiscant, quod imā-
tentur: vt de consec. d. 3. in. c. perlatū.
Quomodo autem adorari debeāt. su-
pra, Adoratio. §. 6.

IMAGINES sanctorum non sunt
violande, in dict. ca. perlatū. sed ado-
randæ: ibi, in capitul. venerabilis. Et
prohibitum est eas in terram prosterne-
re, lapidibus obruere, & huiusmo-
di, c. si canonici de offic. ordin. libr. 6.
Irreuerentiam enim hoc continet.

IMAGO Christi non est pingenda
sub forma agni, sed hominis, capitul.
sanctam synodum, de conse. distin. 3.
quia presente veritate, cessare debent
figuræ, quod etiam credit glossa
ibi.

QUOMODO imago crucis est ado-
randa. supra, Adoratio. §. 7. quam
sculpi in marmore, vel lapide in ter-
ra positis, non licet, & videtur morta-
le: quia grauissima pœna lex contra
facientes punit, C. nemini lice. sig. sal.
l. vnica. Ideo valde sunt repræhensi-
biles, qui in sepulchris in terra posi-
tis cruces sculpunt. Qua autem ado-
ratione sit crux adoranda. supra, Ado-
ratio. §. 7. similiter quomodo sancto-
rum imagines sint venerandæ, ibi. §.
sexto.

IMMUNDITIA.

IMMUNDITIA in effusione semi-
nis contra ius matrimonij volūta-
rie, peccatum mortale est: quia Apo-
stolus dicit tales excludi à regno Dei.
Immunditia verò in emissionem su-
perflui in vomitu, & similibus ex-
gula procedentium, communiter
est.

est veniale, mortale autem, quando propter delectationem quis provocat se ad vomitum, nulla alia ratione, nisi ut iterum comedat: secundum Tabul. Videtur enim contra naturam turpiter agere, & notabiliter gulosus, vel quando exponit se periculo alicuius notabilis mali corporalis, vel spiritualis. Videtur enim tunc ponere ultimum finem in delectatione gulæ.

² **IMMUNDITIA** corporalis, quando quis immundè, & sordidè comedit, & vivit, peccatum est: quia recte rationi dissonat, sed communiter veniale. in rebus non sacris, in sacris vero si notabilis est, mortaliter agitur, quia divina reverentia offenditur, & sub præcepto prohibetur iure canonico, in capit. relinqui. de custo. eu. supra, Corporalia. §. 5. Aduertant hæc sacerdotes, ut in sacris, & præsertim in his, quæ circa missam sunt, ut immunditiam vitent.

IMMUNITAS, supra, Emunitas.

IMPEDIMENTVM, infra, Matrimonium.

IMPUBES.

¹ **IMPUBES** dicitur homo vsque ad annum 14. completum in masculo, in femina vsque ad 12. inclusivè. C. quando tur. vel cur. l. ult. & quantum ad determinationem ecclesie. licet secundum naturalem dispositionem quandoque in tali ætate non sint apti ad generandum, & sic non dicerentur impuberes, ut in cap. puberes. de despon. impu. quia tamen in hac ætate communiter pubescere incipiunt, ideo ecclesia sic statuit, & tunc possunt contrahere matrimonium, ut in cap. impuberes. & c. continetur. de despon. impuber. non autem ante, nisi proximi essent pubertati, & malitia suppleret ætatem in c. de illis cl. i. co.

² **IMPUBES** testis esse non potest in maleficijs. ff. de testib. l. in testimonium, quantum ad plenam probationem, sed ad iudicium potest examinari, & dictum eius est sufficiens

ad iudicium, secundum Bartol. in l. talis. C. de his quibus ut indig. non tamen debet torqueri, licet soleat terri, & habena, vel ferula caedi. ff. ad Senatuscon. Sylleia. l. i. §. impuberes. Nec possunt impuberes, & furiosi capitalem committere fraudem, id est, pœnam pro qua capite sint puniendi. ff. de ædil. edict. l. cum autem. Quamvis in ætate ante hoc tempus incipiat pubertas, tamen hoc est tempus in iure decretum. Pubes namque proprie lanugo est, quæ matibus in anno 14. in feminis 12. circa pendenda nasci consuevit.

INANIS gloria, supra, Gloria.

IMPIETAS.

¹ **IMPIETAS**, quia patribus, & concubinis debitoribus subtrahitur, aut iniuria irrogatur mortale peccatum est ex suo genere, & valde graue, contra primum præceptum secundæ tabulæ, & hoc si fiat animo nocendi, vel inhonorandi talem, ut talis est, nisi quando esset pro re minima, & in primis motibus animi. Si autem non sit animus despiciendi beneficium, patriam, parentes, vel huiusmodi, sed ex alia causa, tunc iudica mortale, vel veniale, secundum materiam, circa quam versatur impietas, & adde peccato maiorem grauitatem, sicut fit in peccato ingratitude, secundum Caietanum ibi. Pariter etiam peccatur contra supradictos in omitendo ea, quæ quis exhibere tenetur.

IMPUDICITIA.

¹ **IMPUDICITIA** vitij est quando quis vacat actibus, tactibus, osculis, & amplexibus libidinose, hoc est, causa delectationis sensibilis, quæ ibi sentitur, etiam si nullum opus aliud intendat, & si fiat à non coniugibus, mortale est, secundum Caietanum ibi. quia huiusmodi delectatio, ad generationem est ordinata, sicut & ceteri actus venerei, & propterea nisi fiat propter generationem licitam, peccatum est, ob priuationem proprii finis, quia dicit Apostolus Gal. 5. quod impudicitiam agentes, regnum